
АТРОФ-МУҲИТ МУСАФФОЛИГИ

соғлом ва бахтиёр ҳаётимизнинг гаровидир

Юртимизда атроф-муҳитнинг ифлосланиш даражасини камайтириш, табиий ҳудудлар тизимини ривожлантириш, экологик муаммоларни ҳал этиш масаласи бир қатор қонун ва қонун ости ҳужжатлари билан тартибга солинган.

Жумладан, Президентимизнинг жорий йил 21 апрелдаги “2017-2021 йилларда маиший чиқиндилар билан боғлиқ ишларни амалга ошириш тизимини тубдан такомиллаштириш ва ривожлантириш бўйича чора-тадбирлар тўғрисида”ги қарори ана шу муҳим ҳужжатлар сирасига киради.

Айни вақтда мазкур қарор ижросини таъминлаш мақсадида 15-25 август кунлари давомида вилоят экология ва атроф-муҳитни муҳофаза қилиш бошқармаси, “Тоза ҳудуд” давлат унитар корхонаси ҳамда бир қатор ташкилотлар ҳамкорлигида “Экологик шанбалик” тадбири ўтказилмоқда.

Қува туманида бўлиб ўтган ана шундай тадбирда 12 та отряд иштирокчилари 64 та маҳалла фуқаролар йиғинида тозалаш-ободонлаштириш ишларини олиб бордилар. Тадбир давомида йўллар ва жамоат жойлари маиший чиқиндилардан тозаланди. Ушбу хайрли тадбирда аҳоли вакиллари фаоллиги ҳам яққол кўзга ташланди. Энг муҳими юртдошларимиз атроф-муҳит тозаллиги саломатлигимиз ва бахтиёр ҳаётимиз гарови эканлигини яна бир карра англаб етдилар.

2017-08-21 12:01:26